

UGOVOR
za nabavku usluge popravka i održavanja zgrade

UGOVORNE STRANE:

Obrtnička djelatnost „Z INŽENJERING“, sa sjedištem u ulici Esada Midžića broj 26, Sarajevo,
ID broj: 4301905990009, kojeg zastupa Zijad Dučić (u daljem tekstu: izvođač)

JAVNA USTANOVA „DRUGA OSNOVNA ŠKOLA“ ILIDŽA/HRASNICA, sa sjedištem u ulici Školska 1, Ilidža/Hrasnica, kojeg
zastupa Almir Česko, direktor škole, ID broj 4200035880007 (u daljem tekstu: naručilac).

Član 1.

Ovim Ugovorom utvrđuje se način i uslovi pod kojima će Obrtnička djelatnost „Z INŽENJERING“ izvršiti usluge popravke i održavanje zgrade, odnosno trpezarije u objektu JU "Druga osnovna škola" Ilidža/Hrasnica (nabavka, isporuka i ugradnja materijala potrebnog za sanaciju trpezarije, sa ugradnjom ljepila i mrežice, grundiranjem i ugradnjom završnog sloja EDEL PUTZ 1.5 mm).

PREDMET UGOVORA

Član 2.

Predmet ovog Ugovora je izvođenje radova za potrebe Ugovornog organa iz člana 1. ovog Ugovora prema ponudi Izvođača koja je sastavni dio ovog Ugovora.

Ugovorom su obuhvaćeni radovi u prostoriji ukupne površine od 118 m² sa uključenim materijalom.

Član 3.

OBAVEZE IZVODAČA

Izvođač je posebno obavezan:

- da radove izvede stručno i kvalitetno prema odredbama Ugovora i pravilima struke za svaku vrstu radova,
- da preduzme mjere za sigurnost radova, materijala i radnika, trećih osoba, kao i susjednih objekata i predmeta, te je odgovoran za eventualne štete koje nastanu prilikom izvođenja radova,
- da radove iz Člana 2. ovog Ugovora izvrši najkasnije u roku od 7 (sedam) dana od početka izvođenja radova,
- da cijene navedene u ponudi ne mijenja do završetka gore navedenih radova i
- da prostorije u kojima su izvođeni radovi preda čiste i uredne.

PLAĆANJE I NAČIN PLAĆANJA

Član 4.

Ugovorni organ naručuje vršenje radova iz člana 1. Ugovora po ukupnoj cijeni od 1.770,00 KM bez PDV-a (2.070,90 KM sa PDV-om), a sve prema ponudi Izvođača.

Iznos iz stava 1. ovog Člana Ugovorni organ će platiti u roku od 30 dana od dana ispostavljanja fakture.

PRIMOPREDAJA

Član 5.

Primopredaju izvedenih radova izvršit će ovlašteni predstavnici objiju ugovornih strana.

Prilikom primopredaje Ugovorni organ je dužan sastaviti s Izvođačem radova primopredajni zapisnik u kojem će navesti sve eventualne prigovore na nedostatke radova, Izvođač se obavezuje utvrđene nedostatke otkloniti u primjerenom, zajednički utvrđenom roku.

Primopredajnim zapisnikom koji su stranke obavezne sačiniti kod primopredaje naročito treba utvrditi:

- jesu li radovi izvedeni u skladu s dokumentacijom za izvođenje radova iz ovog Ugovora, jesu li radovi izvedeni u cjelosti po Ugovoru, dokumentaciji i ponudi iz ovog Ugovora, odnosno po propisima i pravilima struke, da li su radovi završeni u ugovorenom roku, a ako nisu odstupanja od ugovorenog roka treba iskazati u danima u odnosu na ugovoreni rok završetka.
- odgovara li kvaliteta izvedenih radova ugovorenoj kvaliteti, odnosno koje radove mora Izvođač o svom trošku dovršiti, popraviti ili otkloniti nedostatke i u kojem roku to treba učiniti,
- konstatirati eventualna, od strane Ugovornog organa odobrena odstupanja od projekta, s priloženom dokumentacijom po kojoj su izvedene izmjene.

RASKID UGOVORA O IZVOĐENJU RADOVA I OTKAZNI ROKOVI

Član 6.

Ugovorni organ ima pravo raskinuti ovaj Ugovor u slučaju da Izvođač prekorači rokove iz ugovorenog terminsko operativnog i finansijskog plana izvođenja radova.

Otkazni rok u slučaju nastupa okolnosti iz stava 1. ovog Člana, iznosi 15 (petnaest) dana.

ZAVRŠNE ODREDBE

Član 7.

Svaka promjena ugovornih odredbi povlači za sobom sačinjavanje posebnog Aneksa ugovora. Do potpisivanja Aneksa Ugovora obustavlja se izvršenje ugovornih obaveza.

Član 8.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješavanje spora nadležan je Sud u Sarajevu.

Član 9.


Na sve što nije uređeno ugovorom bit će primijenjene odgovarajuće odredbe Zakona o obligacionim odnosima.

Član 10.

Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za izvršioca:

Obrtnička djelatnost „Z INŽENJERING“


/Zijad Dučić/

Direktor

Broj: _____

Datum: 25.03.2019.godine

Za naručioca:

JU „DRUGA OSNOVNA ŠKOLA“ ILIDŽA/HRASNICA


/Mr. Almir Česko/

DIREKTOR ŠKOLE

Broj: 38-426-3/19

Datum: 25.03.2019.godine

